

Өздерінің мекендеу ортасына қайтару мүмкін емес, еріксіз және (немесе) жартылай ерікті жағдайлардағы жабайы жануарларға қарау қағидаларын бекіту туралы

Қазақстан Республикасы Экология, геология және табиғи ресурстар министрінің 2022 жылғы 23 мамырдағы № 176 бұйрығы. Қазақстан Республикасының Әділет министрлігінде 2022 жылғы 25 мамырда № 28195 болып тіркелді

ЗҚАИ-ның ескертпесі!

Бұйрықтың қолданысқа енгізілу тәртібін 4-т. қараңыз.

"Жануарларға жауапкершілікпен қарау туралы" Қазақстан Республикасы Заңының 7-бабы 4) тармақшасына сәйкес БҰЙЫРАМЫН:

1. Қоса беріліп отырған өздерінің мекендеу ортасына қайтару мүмкін емес, еріксіз және (немесе) жартылай ерікті жағдайлардағы жабайы жануарларға қарау қағидалары бекітілсін.

2. Қазақстан Республикасы Экология, геология және табиғи ресурстар министрлігінің Орман шаруашылығы және жануарлар дүниесі комитеті заңнамада белгіленген тәртіппен:

1) осы бұйрықтың Қазақстан Республикасы Әділет министрлігінде мемлекеттік тіркелуін;

2) осы бұйрық ресми жарияланғаннан кейін оны Қазақстан Республикасы Экология, геология және табиғи ресурстар министрлігінің интернет-ресурсында орналастырылуын;

3) осы бұйрық мемлекеттік тіркелгеннен кейін он жұмыс күні ішінде осы тармақтың 1) және 2) тармақшаларында көзделген іс-шаралардың орындалуы туралы мәліметтерді Қазақстан Республикасы Экология, геология және табиғи ресурстар министрлігінің Заң қызметі департаментіне ұсынуды қамтамасыз етсін.

3. Осы бұйрықтың орындалуын бақылау жетекшілік ететін Қазақстан Республикасының Экология, геология және табиғи ресурстар вице-министріне жүктелсін.

4. Осы бұйрық оның алғашқы ресми жарияланған күнінен кейін күнтізбелік алпыс күн өткен соң қолданысқа енгізіледі.

*Қазақстан Республикасы
Экология, геология және табиғи
ресурстар министрі*

С. Брекешев

КЕЛІСІЛДІ

**Қазақстан Республикасы
Ұлттық экономика министрлігі**

КЕЛІСІЛДІ

Өздерінің мекендеу ортасына қайтару мүмкін емес, еріксіз және (немесе) жартылай ерікті жағдайлардағы жабайы жануарларға қарау қағидалары

1-тарау. Жалпы ережелер

1. Осы Өздерінің мекендеу ортасына қайтару мүмкін емес, еріксіз және (немесе) жартылай ерікті жағдайлардағы жабайы жануарларға қарау қағидалары (бұдан әрі - Қағидалар) "Жануарларға жауапкершілікпен қарау туралы" Қазақстан Республикасының Заңы 7-бабының 4) тармақшасына сәйкес әзірленді және өздерінің мекендеу ортасына қайтару мүмкін емес, еріксіз және (немесе) жартылай ерікті жағдайлардағы жабайы жануарларға қарау тәртібін белгілейді.

2. Осы Қағидалар жабайы жануарларды, оның ішінде хайуанаттар парктерінде, цирктерде, дельфинарийлерде, океанариумдарда күтіп-бағуды және пайдалануды жүзеге асыратын жеке және заңды тұлғаларға қолданылады.

3. Осы Қағидаларда мынадай негізгі ұғымдар мен терминдер пайдаланылады:

1) жабайы жануарлар – жабайы табиғат табиғи мекендеу ортасы болып табылатын, оның ішінде еріксіз және (немесе) жартылай ерікті жағдайларда ұсталатын жануарлар;

2) жануарларға арналған оңалту орталығы – жануардың иесіне және (немесе) жауапты адамға не табиғи мекендеу ортасына қайтарылуға жататын немесе жатпайтын, тіршілігі мен саулығына қатер төндіретін жағдайға ұшыраған, табиғи жағдайларда тіршілік ете алмайтын жануарларды, сондай-ақ жеке немесе заңды тұлғалардан алып қойылған немесе тәркіленген үй жануарларын (компаньон-жануарларды) шектеулі қабылдауға, емдеуге, уақытша ұстауға, оңалтуға және бейімдеуге арналған және жабдықталған мүліктік кешен;

3) жануарларға жауапкершілікпен қарау саласындағы уәкілетті орган – жануарларға жауапкершілікпен қарау саласындағы басшылық пен салааралық үйлестіруді жүзеге асыратын орталық атқарушы орган (бұдан әрі - уәкілетті орган);

4) комиссия – жабайы жануарларды өздері мекендейтін ортаға қайтару мүмкін болмайтын еріксіз және (немесе) жартылай ерікті жағдайларда ұстау туралы шешім қабылдау үшін уәкілетті орган құратын комиссия.

2-тарау. Өздерінің мекендеу ортасына қайтару мүмкін емес, еріксіз және (немесе) жартылай ерікті жағдайлардағы жабайы жануарларға қарау тәртібі

4. Жабайы жануарларды мәдени ойын-сауық мақсаттарында нысаналы мақсаты бойынша одан әрі пайдалану мүмкін болмаған жағдайда немесе жабайы жануарлардың иелері және (немесе) жауапты адамдар оларды күтіп-бағу жөніндегі міндеттерін орындаудан бас тарту кезінде, жабайы жануардың иесі және (немесе) жауапты адам уәкілетті органға еркін нысанда өтініш береді (бұдан әрі – өтінім).

5. Уәкілетті орган жабайы жануарды күтіп-бағуға қажетті жағдай жасауға қабілетті жеке немесе заңды тұлғаларға беруді қарау үшін комиссия құрады.

6. Комиссия өтініш түскен күннен бастап 5 (бес) жұмыс күні ішінде құрылады. Комиссия құрамына уәкілетті органның, ғылыми ұйымдардың, ветеринариялық қызметтердің 1 (бір) өкілі, қоғамдық инспекторлар және жабайы жануарларға жауапты қарау саласындағы коммерциялық емес ұйымдардың өкілдері кіреді.

7. Комиссия жабайы жануарларды тұтқында ұстау туралы 2 (екі) жұмыс күні ішінде шешім қабылдайды, оларды мекендеу ортасына қайтару мүмкін емес.

8. Комиссия шешімінде мыналар көрсетіледі:

1) Жабайы жануарлардың түрі мен саны және олардың жеке белгілері (жынысы, есепке алу бұйымы (құралы), лақап аты, белгілері (бар болса), сондай-ақ ықтимал морфологиялық ерекшеліктері), жабайы жануарлардың мәртебесі туралы мәліметтер (иелері меншік құқығынан бас тартқан тәркіленген, табылған, жабайы жануарлар);

2) жабайы жануарларды тәркілеу негізі;

3) жабайы жануардың денсаулық жағдайы;

4) күтіп-бағуға қажетті жағдай жасауға қабілетті жеке немесе заңды тұлғаларды күтіп-бағу орнының атауы және есептік нөмірі;

5) жабайы жануарларды үйреншікті мекендеу ортасына қайтару шарттары болуға тиіс.

6) жануарлардың иесінің жоқтығы туралы мәлімет.

9. Тәркіленген, табылған, жарақаттанған жабайы жануарларды, сондай-ақ иесі жоқ, оларды мекендеу ортасына қайтару мүмкін болмайтын жабайы жануарларды алып қоюды жүзеге асырған лауазымды адам осы Қағидаларға 1-қосымшаға сәйкес нысан бойынша қабылдау-беру актісін қалыптастыру арқылы уақытша күтіп-бағуға комиссия шешім қабылдағанға дейін береді.

10. Жабайы жануарларды мекендеу ортасына қайтару мүмкін болмаған жағдайда, осы Қағидаларға 1-қосымшаға сәйкес нысан бойынша қабылдау-беру актісінің негізінде өтеусіз пайдалану шарты бойынша ұстау орындарына, жеке немесе заңды тұлғаларға беріледі.

Өздерінің мекендеу ортасына
қайтару мүмкін емес, еріксіз
және (немесе) жартылай ерікті
жағдайлардағы жабайы
жануарларға қарау
қағидаларына
1-қосымша

Нысан

АКТ

қабылдау-тапсыру

№ _____

күні: _____ г.

Жануарды берген заңды тұлғаның БСН және атауы:

Жануарды берген адамның тегі және аты, әкесінің аты (бар болса):

Жануарды қабылдаған заңды тұлғаның БСН және атауы:

Жануарды қабылдаған адамның тегі және аты, әкесінің аты (бар болса):

Қабылдау-тапсыру мақсаты: _____

Берілетін жануарлардың түрі: _____

Берілетін жануарлар саны: _____

Берілетін жануарлардың жеке белгілері: _____

Тәркілеу негізі: _____

Тапсырды ТАӘ Беру күні:

Қабылдады ТАӘ Қабылдау күні: